

ÁŠŠEČILGEHUS

Vuodđodokumeanta
 Jorgaluvvon dokumeanta

Vuorkáášši: 2016/561-5	Vuorká: 144	Áššemeannudeaddji: Maia Hætta	Dáhton: 27.11.2017
---------------------------	----------------	----------------------------------	-----------------------

Lávd.áššenr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	

GUOVDAGEAINNU SUOHKANA GIELLAPLÁNA 2018 - 2021.

Mearrádusdiehtu sáddejuvvo:

Čujuhus lea:

- Guovdageainnu suohkana giellaplána 2018 - 2021

Mielddus lea:

- Guovdageainnu suohkana giellaplána 2018 - 2021

Ášši duogáš:

Suohkan lea mearridan ráhkadit giellaplána, mii galgá leat bargoreaidun buorebut plánet ja čađahit gielladoaimmaid ja giellaovdáneami min suohkanis. Barggu leat čađahan siskkáldasat suohkanis, go lei váttis oažžut olggobeal fitnodaga váldit badjelasas doaimma. Bargojoavkkus leat leamaš suohkana bargit fárus. Giellakonsuleanta Maia Hætta doaimmai čállin joavkkus. Mii álggiimet kultuvrra ja bajásšaddan ovttagain, ja dan maŋŋil geahčadeimmet doaimbajuid dan golbma eará ovttagain.

Árvvoštallan:

Guovdageaidnu lea stuorimus sámi suohkan, gos sámegealla lea bisson nannosit beaivválaš giellan. Dilli lea gal rievdan maŋemus 20 jagi, ja skuvlabargit mitalit vásihusaid dan dáfus ahte skuvlamánáid sámegealla ii leat šat nu nanus. Dat lea buktán dárbbu eambo dihtomielalaččat ja dárkileappot bargat giellaoahpahusain ja giellaovdánemiin buot dásiin, mánáidgárdemánáid rájes gitta dassáži go luohpá barggus suohkanis.

Buoremus ávkki plánas oažžut go árvvoštallá doaimmaid jahkásaččat, ja ođasmahttá plána bohtosiid ja dárbbuid vuodul.

Guovdageainnu suohkan áigu leat ofelaš min giela dáfus, ja buori muddui leat mii dat, go min giellafokus ii leat dušše fal mánáid ja nuoraid oahpahusa oktavuodas, muhto ahte sámegiella galgá oidnot ja gullot juohke sajis.

Mearrádusevttohus:

Suohkanstivra dohkkeha Guovdageainnu suohkana giellaplána 2018 – 2021.